

Unošenjem vlastitih podataka, prihvatanjem opcije „Prihvatam Statut udruženja“ te pritiskom na dugme PRIJAVA potpisujete Elektronsku pristupnicu u UG BOSONA

Potvrđujete da ste upoznati sa Statutom Udruženja u kojem su opisane obaveze i povlastice člana.

STATUT UDRUŽENJA - IZVOD

Osnovni ciljevi i djelatnosti Udruženja su:

- okupljanje osoba koje se bave ili zanimaju za historijsko nasljeđe Bosne i Hercegovine
- aktivnosti na očuvanju i njegovanju, historijskog nasljeđa Bosne i Hercegovine i prikupljanju i širenju informacija vezanih za historijsko nasljeđe Bosne i Hercegovine
- učešće u izradi i implementaciji promotivnih projekata koji doprinose ostvarivanju ciljeva i djelatnosti Udruženja,
- promocija historijskih, prirodnih, kulturnih i ekonomskih potencijala i resursa, kao i duhovnih vrijednosti u Bosni i Hercegovini,
- poticanje i osnaživanje volonterskog i humanitarnog rada;
- organizovanje savjetovanja, seminara, treninga, edukativnih kurseva, predavanja radi usavršavanja članova i šire društvene okoline, kao i manifestacija kulturnog i zabavnog karaktera,
- prikupljanje, katalogizacija i arhiviranje literature, publikacija, brošura, knjiga u pisanoj, elektronskoj i audiovizualnoj formi i ostalih publikacija neprofitnog karaktera u svrhu promocije ciljeva i djelatnosti Udruženja,
- poticaj na korištenje informacionih tehnologija u obradi informacija o historijskom nasljeđu i publikovanje software-skih edukativnih aplikacija svrhu promocije ciljeva i djelatnosti Udruženja
- razmjena iskustava sa istim ili sličnim udruženjima i drugim nevladinim organizacijama u zemlji i inostranstvu.

Udruženje se osniva na neodređeno vrijeme i djeluje na cijelom području Bosne i Hercegovine

ČLANSTVO U UDRUŽENJU

Svojstvo člana udruženja može steći svako fizičko lice, državljanin Bosne i Hercegovine koji vlastoručno potpiše pristupnicu i prihvati Statut udruženja.

Članstvo u udruženju je dobrovoljno.

Odluku o prijemu novog člana udruženja donosi Upravni odbor udruženja.

Članstvo u udruženju prestaje:

- istupanjem člana,
- isključenjem člana,
- smrću člana.

Član udruženja koji grubo krši Statut udruženja, ne izvršava svoje obaveze prema udruženju ili svojim postupcima nanosi štetu udruženju ili narušava njegov ugled može biti isključen iz udruženja.

Članovi udruženja imaju slijedeća prava i obaveze:

- da aktivno učestvuju u radu udruženja i ostvarivanju njegovih ciljeva;
- da biraju i budu birani u organe udruženja;
- da budu redovno i blagovremeno obaviješteni o aktivnostima udruženja;
- da surađuju sa ostalim članovima udruženja;
- da čuvaju i podižu ugled udruženja;
- da ostvaruju druga prava i obaveze utvrđene ovim Statutom i drugim općim aktima udruženja.

Na sjednici Upravnog odbora udruženja od 25.11. 2009. godine donesena je sljedeća odluka

ODLUKA o potpisivanju Elektronske pristupnice u UG BOSONA

Član 1.

Temeljem Člana 30. Statuta UG BOSONA, prihvaća se punovažnost Elektronske pristupnice.

Član 2.

Na Internetskim stranicama WWW.BOSONA.BA istaknut je Statut UG BOSONA, te se pretpostavlja da je svaki potpisnik Elektronske pristupnice iste i pročitao i prihvatio.

Član 3.

Elektronska pristupnica je punovažna ukoliko je pravilno i u potpunosti ispunjena s obaveznim podacima.

Član 4.

Elektronska pristupnica smatra se vlastoručno potpisanom ukoliko je nakon ispunjenja iz prethodnog Člana 3. odabrana opcija "PRIHVATAM STATUT UDRUŽENJA" i pritisnuto dugme PRIJAVA

Član 5.

Nakon odobrenja Upravnog odbora udruženja prijavljeni postaje član UG BOSONA.

Član 7.

Odabirom opcije "ŽELIM DA IZMIRIM OBAVEZU ČLANARINE I POSTANEM AKTIVNI ČLAN UDRUŽENJA" i pritisnutog dugmeta PRIJAVA stiču se preduslovi za status aktivnog člana Udruženja

Član 8.

Nakon ispunjenja predviđenih obaveza i odobrenja Upravnog odbora udruženja član postaje punopravni aktivni član te ostvaruje prava na osnovu "Odluke o statusu aktivnog člana Udruženja" i dobiva člansku iskaznicu UG BOSONA.

Sarajevo 25.11.2009.